

# **(TENTANG) ORANG TUAMU DAN ANAK-ANAKMU, KAMU TIDAK MENGETAHUI SIAPA DI ANTARA MEREKA YANG LEBIH DEKAT (BANYAK) MANFAATNYA BAGIMU**

**[MUTIARA AL-QURAN UNTUK PANDUAN HIDUP]**



<https://youtu.be/Vy2dSe2-Gj8>

*VIDEO – [Durasi – 4m 22s] – MUTIARA AL-QURAN – Kamu Tidak Tahu Siapa Di Antara Anak Dan Ayah Yang Lebih Baik Bagi Mu*

## **(TENTANG) ORANG TUAMU DAN ANAK-ANAKMU, KAMU TIDAK MENGETAHUI SIAPA DI ANTARA MEREKA YANG LEBIH DEKAT (BANYAK) MANFAATNYA BAGIMU (SURAH AN-NISAA', AYAT 11)**

### **EKSTRAKS DARI VIDEO**

1. Kita tidak tahu siapa di antara anak-anak kita atau ayah kita yang lebih baik untuk kita. Kalaulah kita tahu anak kita akan merosakkan kita suatu hari nanti, nescaya kita tidak biarkan dia hidup.
2. Kita tidak tahu anak kita yang manakah yang paling berguna untuk kita suatu hari nanti. Oleh kerana kita tidak tahu yang mana paling baik, yang sulungkah atau yang bongsu, sayugia kita jangan memandai-mandai "merancang keluarga".
3. Jangan merancang untuk dapat anak lewat dengan anggapan sekiranya dapat anak di usia muda akan menyukarkan aktiviti harian kita dan akan menambah perbelanjaan keluarga. Kita tidak tahu anak manakah yang paling bermanfaat untuk kita dan ummat.
4. Kita hendaklah redha dengan anugerah anak-anak dari Allah ini. Kita tidak tahu rezeki Allah yang mana yang lebih berkat. Oleh itu, Nabi ajar supaya kutip makanan yang terjatuh (dari pinggan) kerana mungkin makanan yang berkat (seperti menjadikan fikiran tajam dan hati tenang) ialah yang jatuh itu. Kita tidak tahu apa yang akan terjadi pada anak dan ayah kita di kemudian hari.
5. Manusia boleh berubah dari baik kepada tidak baik dan sebaliknya, ianya rahsia yang kita tidak tahu. Ingatlah, semua yang berlaku adalah dengan hikmat Allah. Oleh itu janganlah kita memandai-mandai untuk "merancang" keluarga.
6. Terimalah rezeki (anak-anak) yang Allah beri ini dengan redha kerana kita tidak tahu yang mana paling baik dan berkat untuk kita.

**REDHAILAH DAN SYUKURILAH SETIAP ANUGERAH YANG ALLAH KURNIAKAN KEPADA KITA DAN BERSERAHLAH SEPENUHNYA KEPADA ALLAH**